

36/S

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo unutrašnjih poslova



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство унутрашњих послова

Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Internal Affairs

Stamp: 30-08-2021  
01 04 30583-03

Broj: 01-7-02-2-4177/21  
Sarajevo, 27.08.2021.godine

**SKUPŠTINA KANTONA SARAJEVO**  
n/r predsjedavajućeg Skupštine

**PREDMET:** Odgovor na zastupničko pitanje zastupnika Suljević Samira, dostavlja se;


**VEZA:** Vaš akt broj:01-04-30583-3/21 od 10.08.2021. godine.

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje, koje je na 40. Radnoj sjednici Skupštine Kantona Sarajevo održanoj dana 09.08.2021. godine, u okviru tačke Dnevnog reda "Poslanička/zastupnička pitanja, inicijative i odgovori", postavio zastupnik Samir Suljević.

S poštovanjem,

**Prilog:**

- Akt Upave policije MUP-a KS broj:02/1-131/21 od 26.08.2021. godine
- CD x1.



**Dostaviti:**

1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16



Bosna i Hercegovina  
Federacija Bosne i Hercegovine  
KANTON SARAJEVO  
**MINISTARSTVO UNUTRAŠNJIH POSLOVA**  
**UPRAVA POLICIJE**  
SARAJEVO

26-08-2021

489/21

Broj: 02/1- 131 /21

Dana: 26.08.2021. godine

**MINISTARSTVO UNUTRAŠNJIH POSLOVA KANTONA SARAJEVO**  
**n/r sekretara**

**PREDMET: Zastupničko pitanje zastupnika Suljević Samira, odgovor, dostavlja se.-**

**VEZA: Vaš akt broj 01-7-02-2-4177/21 od 16.08.2021. godine**

Vašim aktom broj i datum veze, dostavili ste nam zastupničko pitanje kojeg je zastupnik Samir Suljević postavio na 40. Radnoj sjednici Skupštine Kantona Sarajevo, održanoj dana 09.08.2021. godine, u kojem se traži odgovor da li će se voditi registar o uklanjanju starih, napuštenih i neoznačenih automobila sa parkinga i ulica, te da li su planirane aktivnosti na provjeri registara otuđenih automobila u ranijim godinama i da li se obavještavaju vlasnici ukoliko dođe do pronalaska istih, a povodom aktivnosti i odluke Vlade Kantona Sarajevo o uklanjanju ovih motornih vozila.

U vezi sa postavljenim zastupničkim pitanjem ispred Uprave policije Ministarstva unutrašnjih poslova Kantona Sarajevo navodimo sljedeće:

Nakon stupanja na snagu Zakona o uređenju saobraćaja na putevima u Kantonu Sarajevo („Službene novine Kantona Sarajevo“ br. 30/17 i 46/17) policijski službenici Uprave policije Ministarstva unutrašnjih poslova Kantona Sarajevo preduzeli su mjere i radnje na evidentiranju oštećenih, dotrajalih, napuštenih i neregistrovanih vozila. Za evidentirana vozila su izvršene odgovarajuće provjere, a u slučajevima da su pronađeni vlasnici vozila, istima je od strane policijskih službenika naloženo da svoja vozila uklone.

Nakon odluke Vlade Kantona Sarajevo u vezi sa oštećenim, dotrajalim, napuštenim i neregistrovanim vozilima na području Kantona Sarajevo, KJKP Rad d.o.o. je Upravi policije Ministarstva unutrašnjih poslova Kantona Sarajevo dostavio dopis u kojem je navedeno da će KJKP Rad d.o.o. vršiti uklanjanje ovih vozila na unaprijed određene lokacije, kao i da Uprava policije Ministarstva unutrašnjih poslova Kantona Sarajevo u okviru svojih mogućnosti planira aktivnosti u vezi sa navedenim. Postupajući po navedenom aktu policijski službenici Uprave policije Ministarstva unutrašnjih poslova Kantona Sarajevo pružaju pomoć uposlenicima KJKP Rad d.o.o. u aktivnostima „Velike proljetne akcije čišćenja Kantona Sarajevo 2021. godina“ koje se odnose i na uklanjanje oštećenih, dotrajalih, napuštenih i neregistrovanih vozila, a prema ranije sačinjenim podacima o evidentiranim vozilima u skladu sa odredbama Zakona o uređenju saobraćaja na području Kantona Sarajevo za koje nije bilo moguće pronaći vlasnika vozila.

Za svako pojedinačno vozilo, nadležna organizaciona jedinica Uprave policije Ministarstva unutrašnjih poslova Kantona Sarajevo vrši odgovarajuće provjere za vozila u raspoloživim evidencijama preko registarske tablice, stiker naljepnice ili broja šasije na vozilu. Kako je za svako prijavljeno otuđeno vozilo raspisana potraga, a ista je povezana sa bazom podataka o motornim vozilima u Bosni i

Hercegovini IDDEEA, unosom nekih od podataka za vozilo (registarska tablica, stiker naljepnica ili broj šasije) sistem pokazuje da li postoji potraga za vozilom čiji podaci se provjeravaju. U slučaju da se provjerama utvrdi da je vozilo otuđeno, postupa se u skladu sa odredbama odgovarajućih zakonskih odredbi krivičnog zakonodavstva. Osim ovih provjera policijski službenici koji pružaju pomoć uposlenicima KJKP Rad d.o.o. svako uklonjeno vozilo evidentiraju u evidenciju uklonjenih vozila specijalnim vozilom „Pauk“, te sačinjavaju službene zabilješke i izvještaje.

S poštovanjem,

